

Flores in ramulis brevibus, lateralibus: laterales alterni, solitarii vel ex apice pedicelli. *Pedunculus* capillaris, patens, simplex, versus apicem articulo instructus, exteriorè leviter crassiore, suspubescenti.

CAL. *Perianthium* monophyllum, patens, convexum, quinque angulis ad basin angulatum, quinquefidum: laciniis ovatis, acutis, albescenti-canis.

COR. calyce sesquiduplo longior, plana, patens: petalis subrotundis.

STAM. plura, in columnam connata teretem, postea divisa, patenti-incurva, corolla breviora. *Anthera* subrotunda.

PIST. *Germen* subrotundum. *Styli* decem, primum erecti (vix conjuncti), demum patentes, longitudine staminum, capillares. *Stigmata* simplicia.

PER. *Capsula* globosa, pendula, decemangularis, inflata, decemlocularis: angulis compressis, subcrispis, apice basique impressa; loculis longitudinaliter dehiscentibus, intus nitidis, colore margaritarum, glabris; membrana ante maturitatem pubescens.

SEM. tria singulo loculo, ovata, parva, rugosa.
Color Corollæ albus.

94. **INDIGOFERÆ?** alia species, foliis pinnatis, floribus spicatis caule debili.

Radix annua vel forte perennis.

Caulis pedalis ad duas usque orgyas, debilis, inter frutices sustentatus, quadrangularis, leviter compressus, secundum folia levissime flexuosus: ramis alternis, confimilibus.

Folia alterna, pinnata, sesquiuncialia: foliolis duorum parium cum impari, ovato-ellipticis, femuncialibus, obtusis acumine brevissimo, glabris, pilis tenuissimis ramusculis adpressis. *Petiolus* communis uncialis, inferiorè teretiusculus; partialis . . . *Stipula* subulata, molles, parvæ.

Flores in spica longa axillari, ex superioribus axillis parum pedunculati. *Pedunculus* communis spithamalis, basi parulus, ascendens. *Flores* albi, solitarii, leviter pedicellati: *Pedicellis* capillaribus, nutantibus, dimidiatæ lineæ longitudine.